



## **Li fimmini demografici**

**A lu Municipiu c'è un ufficiu / ca di tutti è assai stimatu  
tanta gintuzza druecu ci v`a / pi spidugliari lu certificatu  
ci su tanti fimmineddri / ca s'ammazzanu la vita  
anchi si è lu machinariu / ca li scrivi e po' li fita.**

**A li nasciti c'è la Sirafina / fimmina seria ma anchi affruntusa  
si senti diri quarchi gliommaru / si gira ddra banna circannu na scusa  
a latu Parmina sgriddra l'uecchi / si vidi trasiri un omu schiettu  
cu s`a arriva stu principi azzurru / iu sempri cc`a sugnu ca aspiettu.**

**Alina accurza li nomi a li genti / taliannu sempri l'ura e lu llorgiu  
intra l'apettanu figli e maritu / ma duna adenzia anchi a San Giorgiu  
Narda Rita ca marita li genti / mintiennuli tutti ni lu stessu liettu  
avi sempri un cuntutu raputu / cu chiddru vicinu a lu gabinettu.**

**C'è na signura ca nun è ortaggiu / ma araunisa spagnoleggianti  
sempri bbona si fa taliari / cu caminata tecchia ancheggianti  
Angilina cu la so età / porta stivala e la gonna plissetata  
pari ancora na caruseddra / comu si nuddru l'avissi spardata.**

**Giuseppina ca è na modella / e ama vistirisi di sciusciera  
si è attillata e viddricu in vista / ti fa nesciri l'uecchi di fora  
c'è poi Pruvvidenza ca è accussì / sia di nomi ca di fattu  
prontu sugnu a fari scummissa / ca porta la 5<sup>^</sup> di reggipettu.  
Antonella mischineddra / ca va curriennu comu na dannata  
avi caratteri dunci e tranquillu / e ni li modi è sempri garbata**

**Mariausilia brava carusa / pari ca mangia li pipi spiezzi  
e quannu avi li cincu minuti / amaru a cu si trova davanti.  
L'antra Ntonia ca a prima vista / po' pariri mbarazzatizza  
li voti c'è quannu sbaglia / ma c'è anchi quannu ci ntrezza  
Lina abbirsata e travagliatura / avi un fari carmu e sirenu  
quannu attisa beni li gricchi / di la stazioni senti lu trenu.**

**Indice poesie: <http://www.solfano.it/treppiedi/index.html>**

**Pagina principale: <http://www.solfano.it>**